

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
Օ Ր Ե Ն Ք Ը  
ՈՍՏԻԿԱՆՈՒԹՅԱՆ ԶՈՐՔԵՐԻ ՄԱՍԻՆ**

*(Վերնագիրը փոփ. 14.12.04 ՀՕ-1-Ն)*

Ընդունված է Ազգային Ժողովի կողմից  
17 նոյեմբերի 1997 թ.

**Գ Լ ՈՒ Խ 1**

*ԸՆԴՀԱՆՈՒՐ ԴՐՈՒՅԹՆԵՐ*

**Հոդված 1. Օրենքի կարգավորման առարկան**

1. Սույն օրենքով սահմանվում են Հայաստանի Հանրապետության ոստիկանության գորքերի հասկացությունը, խնդիրները, գործունեության իրավական հիմքերն ու սկզբունքները, ոստիկանության գորքերի զինձառայողների պարտականությունները և իրավունքները, ոստիկանության գորքերի զինձառայողների և նրանց ընտանիքների անդամների իրավական և սոցիալական ապահովության պետական երաշխիքները, ինչպես նաև ոստիկանության գորքերի ֆինանսավորման և նյութատեխնիկական ապահովման կարգը:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(1-ին հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

**Հոդված 2. Հայաստանի Հանրապետության ոստիկանության գորքերը**

1. Հայաստանի Հանրապետության ոստիկանության գորքերը (այսուհետ՝ ոստիկանության գորքեր) Հայաստանի Հանրապետության կառավարությանն առընթեր Հայաստանի Հանրապետության ոստիկանության (այսուհետ՝ Հայաստանի Հանրապետության ոստիկանություն) ենթակայության տակ գտնվող հիմնարկ է, որը կոչված

է օրենքին համապատասխան պաշտպանելու մարդու իրավունքները և ազատությունները հանցավոր և այլ հակաիրավական ոտնձգություններից, ապահովելու հասարակության և պետության անվտանգությունը:

*(Վերնագիրը փոփ. 14.12.04 ՀՕ-1- Ն, խմբ. 29.04.09 ՀՕ-103- Ն)*

*(2-րդ հոդվածը փոփ. 14.12.04 ՀՕ-1- Ն, խմբ. 29.04.09 ՀՕ-103- Ն)*

### **Հոդված 3. Ոստիկանության գորքերի խնդիրները**

1. Ոստիկանության գորքերի խնդիրներն են՝

1) հասարակական կարգի պահպանությանը և հասարակական անվտանգության ապահովմանը մասնակցելը.

2) հատուկ և կարևորագույն օբյեկտների պահպանումը ու հատուկ բեռների տեղափոխման անվտանգության ապահովումը.

3) ռազմական և արտակարգ դրության իրավական ռեժիմի ապահովմանը մասնակցելը.

4) Հայաստանի Հանրապետության պաշտպանությանը մասնակցելը:

*(Վերնագիրը փոփ. 14.12.04 ՀՕ-1- Ն, խմբ. 29.04.09 ՀՕ-103- Ն)*

*(3-րդ հոդվածը փոփ. 14.12.04 ՀՕ-1- Ն, խմբ. 29.04.09 ՀՕ-103- Ն)*

### **Հոդված 4. Ոստիկանության գորքերի գործունեության սկզբունքները**

1. Ոստիկանության գորքերի գործունեությունն իրականացվում է օրինականության, մարդու և քաղաքացու իրավունքները և ազատությունները հարգելու, միանձնյա ղեկավարման, կենտրոնացված կառավարման սկզբունքների հիման վրա:

2. Ոստիկանության գորքերն իր իրավունքներն իրականացնելիս պարտավոր է առաջնորդվել մարդու և քաղաքացու՝ Հայաստանի Հանրապետության Սահմանադրությամբ ամրագրված իրավունքների և ազատությունների պաշտպանության անհրաժեշտությամբ, նրանց իրավահավասարության, լիազորությունների իրականացման համաչափության և կամայականության բացառման սկզբունքներով, ինչպես նաև հետապնդել օրենքով կանխորոշված այլ նպատակներ:

3. Ոստիկանության գորքերի հարկադրական բնույթի լիազորությունների իրականացումը պետք է ուղղված լինի Հայաստանի Հանրապետության Սահմանադրությամբ և օրենքներով հետապնդվող նպատակներին, համապատասխանի միջազգային պայմանագրերով ստանձնած պարտավորություններին, իսկ դրանց հասնելու միջոցները պետք է լինեն օրինական, անհրաժեշտ և չափավոր:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(4-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

#### **Հոդված 5. Ոստիկանության գորքերի թվաքանակը**

1. Ոստիկանության գորքերի թվաքանակը սահմանում է Հայաստանի Հանրապետության կառավարությունը:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(5-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

#### **Հոդված 6. Ոստիկանության գորքերի կառուցվածքը**

1. Ոստիկանության գորքերի կառուցվածքը և կանոնադրությունը հաստատում է Հայաստանի Հանրապետության ոստիկանության պետը:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(6-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

#### **Հոդված 7. Ոստիկանության գորքերի գործունեության իրավական հիմքերը**

1. Ոստիկանության գորքերի գործունեությունը կարգավորվում է Հայաստանի Հանրապետության Սահմանադրությամբ, սույն օրենքով, Հայաստանի Հանրապետության միջազգային պայմանագրերով, այլ օրենքներով ու իրավական ակտերով:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(7-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

#### **Հոդված 8. Պետական մարմինների և պաշտոնատար անձանց պարտականությունները ոստիկանության գորքերին աջակցելիս**

1. Պետական մարմինները և պաշտոնատար անձինք իրենց լիազորությունների շրջանակներում աջակցում են ոստիկանության զորքերին իրենց խնդիրներն իրականացնելիս:

2. Պաշտպանության բնագավառում պետական լիազոր մարմինն իրականացնում է քաղաքացիների պարտադիր զինվորական ծառայության գորակոչը և գորահավաքը՝ ոստիկանության զորքերում ծառայելու համար, և օժանդակում է ոստիկանության զորքերի սպայական կազմի պատրաստմանը և վերապատրաստմանը, ինչպես նաև շարքային կազմով համալրմանը:

3. Ոստիկանության զորքերի աջակցմանն ուղղված պաշտպանության բնագավառում պետական լիազոր մարմնի և ոստիկանության զորքերի հարաբերությունները կարգավորվում են Հայաստանի Հանրապետության ոստիկանության պետի և Հայաստանի Հանրապետության պաշտպանության բնագավառում պետական լիազոր մարմնի ղեկավարի համատեղ հրամանով:

4. Տրանսպորտի բնագավառի Հայաստանի Հանրապետության կառավարության լիազորած պետական կառավարման մարմնի պաշտոնատար անձինք, տրանսպորտի և հատուկ փոխադրամիջոցների գծով Հայաստանի Հանրապետության ոստիկանության ներկայացուցիչները ոստիկանության զորքերի զինծառայողների ծառայողական պարտականությունների կատարման ժամանակ աջակցում են նրանց տեղափոխմանը, իսկ արտակարգ իրավիճակների պայմաններում՝ արտահերթ:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(8-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

## Գ Լ ՈՒ Խ 2

**ԾԱՌԱՅՈՒԹՅՈՒՆԸ ՈՍՏԻԿԱՆՈՒԹՅԱՆ ԶՈՐՔԵՐՈՒՄ**  
*(ՎԵՐՆԱԳԻՐԸ ՓՈՓ. 14.12.04 ՀՕ-1-Ն, ԽՄԲ. 29.04.09 ՀՕ-103-Ն)*

**Հոդված 9. Ոստիկանության զորքերի անձնակազմը**

1. Ոստիկանության գորքերի անձնակազմը բաղկացած է զինճառայողներից և քաղաքացիական անձնակազմից:  
(*Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)  
(*9-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)

#### **Հոդված 10. Զինվորական ծառայությունը ոստիկանության գորքերում**

1. Ոստիկանության գորքերում զինվորական ծառայությունն իրականացվում է զինված ուժերում ծառայությունը կանոնակարգող օրենքներին և այլ իրավական ակտերին համապատասխան:

2. Ոստիկանության գորքերում սպայական, ենթասպայական և շարքային կազմի պաշտոններում ծառայողներին նշանակում (ծառայության ընդունում) և կոչում է շնորհում, պաշտոնից ազատում (ծառայությունից արձակում), զբաղեցրած պաշտոնից բարձր, հավասար կամ ցածր պաշտոնի նշանակում է Հայաստանի Հանրապետության ոստիկանության պետը կամ նրա լիազորությամբ՝ ոստիկանության գորքերի հրամանատարը:

(*Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)  
(*10-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)

#### **Հոդված 11. Ոստիկանության գորքերի քաղաքացիական անձնակազմի աշխատանքային հարաբերությունները**

1. Ոստիկանության գորքերի քաղաքացիական անձնակազմի աշխատանքային հարաբերությունները կարգավորվում են Հայաստանի Հանրապետության աշխատանքային օրենսդրությամբ:

(*Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)  
(*11-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)

#### **Հոդված 12. Ոստիկանության գորքերի կադրերի պատրաստումը**

1. Ոստիկանության գորքերի կադրերի պատրաստումը և վերապատրաստումն անցկացվում են Հայաստանի Հանրապետության ոստիկանության և այլ ռազմաուսումնական հաստատություններում:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)  
(12-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

### Գ Լ ՈՒ Խ 3

*ՈՍՏԻԿԱՆՈՒԹՅԱՆ ՁՈՐՔԵՐԻ ՂԵԿԱՎԱՐՈՒՄԸ,  
ՈՍՏԻԿԱՆՈՒԹՅԱՆ ՁՈՐՔԵՐԻ ՊԱՐՏԱԿԱՆՈՒԹՅՈՒՆՆԵՐԸ ԵՎ  
ԻՐԱՎՈՒՆՔՆԵՐԸ  
(ՎԵՐՆԱԳԻՐԸ ՓՈՓ. 14.12.04 ՀՕ-1-Ն, ԽՄԲ. 29.04.09 ՀՕ-103-Ն)*

#### **Հոդված 13. Ոստիկանության գորքերի ղեկավարումը**

1. Ոստիկանության գորքերի ընդհանուր ղեկավարումն իրականացնում է Հայաստանի Հանրապետության ոստիկանության պետը, իսկ անմիջական ղեկավարումը՝ ոստիկանության գորքերի հրամանատարը:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)  
(13-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

#### **Հոդված 14. Ոստիկանության գորքերի զինձառայողների պարտականությունները**

1. Ոստիկանության գորքերի զինձառայողները ոստիկանության գորքերի խնդիրներն իրականացնելիս պարտավոր են՝

1) Հայաստանի Հանրապետության ոստիկանության հասարակական կարգի պահպանության և հասարակական անվտանգության ապահովման ստորաբաժանումների հետ համատեղ մասնակցել պարեկապահակային ծառայությանը.

2) մասնակցել արտակարգ իրավիճակներում քաղաքացիական պաշտպանության, տարհանման, որոնողափրկարարական, փրկարարական, վթարավերականգնողական միջոցառումներին.

3) իրականացնել Հայաստանի Հանրապետության կառավարության որոշմամբ հաստատված ցանկում ներառված հատուկ, կարևոր նշանակության օբյեկտների, հատուկ բեռների, Հայաստանի Հանրապետության ոստիկանության և ոստիկանության գորքերի

նյութատեխնիկական բազաների և պահեստների, հաղորդակցության կառույցների պահպանությունը.

4) մասնակցել ռազմական կամ արտակարգ դրության իրավական ռեժիմի ապահովմանը.

5) մասնակցել զանգվածային անկարգությունների կանխմանը և խափանմանը:

2. Ոստիկանության զորքերի զինծառայողներն իրենց պարտականությունները կատարելիս համագործակցում են Հայաստանի Հանրապետության ոստիկանության, ազգային անվտանգության ծառայության և պաշտպանության նախարարության զորամասերի ու ստորաբաժանումների հետ:

3. Խաղաղ, առանց զենքի ժողովները, հանրահավաքները, երթերն ու ցույցերը կանխելու նպատակով ոստիկանության զորքերի միջամտությունն արգելվում է:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(14-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

### **Հոդված 15. Ոստիկանության զորքերի զինծառայողների իրավունքները**

1. Ոստիկանության զորքերի զինծառայողները ոստիկանության զորքերի խնդիրներն իրականացնելիս իրավունք ունեն`

1) քաղաքացիներից և պաշտոնատար անձանցից պահանջելու պահպանել հասարակական կարգը, դադարեցնել հանցագործությունները, վարչական իրավախախտումները և այն գործողությունները, որոնք խոչընդոտում են իրենց պարտականությունները կատարելուն.

2) ստուգելու քաղաքացիների անձը հաստատող փաստաթղթերը, եթե նրանց` իրավախախտումների կատարման մեջ կասկածելու բավարար հիմքեր կան.

3) Հայաստանի Հանրապետության ոստիկանության տարածքային մարմիններ բերման ենթարկելու իրավախախտումներ կամ իրավախախտման փորձ կատարած անձանց.

4) պահպանվող տարածք մուտք գործած անձանց հետապնդելիս, զանգվածային անկարգությունների և հասարակական կարգի

խմբակային խախտումները խափանելիս, ինչպես նաև արտակարգ իրավիճակների հետևանքները վերացնելիս ավագ օպերատիվ պետի, իսկ բացառիկ դեպքում՝ գորամասի կամ ստորաբաժանման հրամանատարի հրամանով կատարելու տեղանքի կամ առանձին շինությունների, օբյեկտների շրջափակում, տրանսպորտային միջոցների զննում:

2. Ոստիկանության գորքերի զինձառայողի անօրինական գործողությունները կարող են բողոքարկվել վերադասության կամ դատական կարգով:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(15-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

#### Գ Լ ՈՒ Խ 4

*ՈՍՏԻԿԱՆՈՒԹՅԱՆ ԶՈՐՔԵՐԻ ԿՈՂՄԻՑ ՖԻԶԻԿԱԿԱՆ ՈՒԺ,  
ՀԱՏՈՒԿ ՄԻԶՈՑՆԵՐ, ՀՐԱԶԵՆ, ՄԱՐՏԱԿԱՆ ՏԵԽՆԻԿԱ ԳՈՐԾԱԴՐԵԼԸ*

**Հոդված 16. Ֆիզիկական ուժ, հատուկ միջոցներ, հրազեն, մարտական տեխնիկա գործադրելու հիմքերը, պայմանները և սահմանները**

1. Ոստիկանության գորքերն իրավունք ունեն գործադրելու ֆիզիկական ուժ, պահելու և օգտագործելու հատուկ միջոցներ, հաշվեցուցակային զենք և մարտական տեխնիկա միայն սույն օրենքով նախատեսված դեպքերում և կարգով:

2. Ոստիկանության գորքերի զինձառայողները պարտավոր են անցնել հատուկ պատրաստություն, ինչպես նաև պարբերաբար անցնել ֆիզիկական ուժի, հատուկ միջոցների, հրազենի, մարտական տեխնիկայի գործադրման անհրաժեշտություն առաջացնող իրադրություններում գործելու ունակությունը որոշող ստուգումներ: Միայն համապատասխան պատրաստություն անցնելուց հետո ոստիկանության գորքերի զինձառայողն իրավունք ունի պահելու և կրելու, ինչպես նաև գործադրելու (կիրառելու) հրազեն, հատուկ միջոցներ և մարտական տեխնիկա: Ոստիկանության գորքերի զինձառայողների անհատական և կոլեկտիվ հատուկ պատրաստություն



անցնելու ծրագիրը հաստատում է ոստիկանության գորքերի հրամանատարը:

3. Ֆիզիկական ուժ, հատուկ միջոցներ, հրազեն, մարտական տեխնիկա գործադրելիս ոստիկանության գորքերի զինձառայողը պարտավոր է`

1) դրանք գործադրելու մասին նախազգուշացնել իրավախախտողներին` բավարար ժամանակ տալով նրանց իր պահանջները կատարելու համար, բացառությամբ այն դեպքերի, երբ ֆիզիկական ուժ, հատուկ միջոցներ, զենք կամ մարտական տեխնիկա գործադրելու հապաղումը վտանգի տակ է դնում իր, քաղաքացիների, զինձառայողների կամ Հայաստանի Հանրապետության ոստիկանության աշխատակիցների կյանքն ու առողջությունը, կարող է այլ ծանր հետևանքներ առաջացնել, կամ ստեղծված իրավիճակում այդպիսի նախազգուշացումն անհնարին է.

2) ապահովել մարմնական վնասվածքների ստացած անձանց առաջին բուժօգնությունը.

3) Հայաստանի Հանրապետության ոստիկանության պետի կողմից սահմանված կարգով զեկուցել ֆիզիկական ուժ, հատուկ միջոցներ, հրազեն, մարտական տեխնիկա գործադրելու յուրաքանչյուր դեպքի մասին:

4. Ոստիկանության գորքերի հրամանատարը պարտավոր է Հայաստանի Հանրապետության ոստիկանության պետին և դատախազին անհապաղ տեղեկացնել ֆիզիկական ուժ, հատուկ միջոցներ, հրազեն, մարտական տեխնիկա գործադրելու հետևանքով վիրավորվածների կամ մահվան բոլոր դեպքերի մասին:

5. Օրենքով չնախատեսված դեպքերում ֆիզիկական ուժ, հատուկ միջոցներ, հրազեն, մարտական տեխնիկա գործադրելը կամ սահմանների անցումով դրանց գործադրելն առաջացնում է պատասխանատվություն` օրենքով սահմանված կարգով:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(16-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

**Հոդված 17. Ֆիզիկական ուժ գործադրելը**

1. Ոստիկանության գորքերի զինձառայողները իրավախախտումները կանխելու կամ խափանելու, իրավախախտում կատարած անձանց ձերբակալելու, ոստիկանության գորքերի զինձառայողների օրինական պահանջներին չենթարկվելու, անհնազանդություն ցուցաբերելու կամ դիմադրություն ցույց տալու դեպքերում, ինչպես նաև ինքնապաշտպանության նպատակով իրավունք ունեն գործադրելու ֆիզիկական ուժ:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(17-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

### **Հոդված 18. Հատուկ միջոցներ գործադրելը**

1. Ոստիկանության գորքերի զինձառայողներն անձամբ կամ ստորաբաժանման կազմով իրավունք ունեն հատուկ միջոցներ գործադրելու հետևյալ դեպքերում.

1) քաղաքացիների, զինձառայողների, Հայաստանի Հանրապետության ոստիկանության ձառայողների վրա կատարվող հարձակումը խափանելիս.

2) ոստիկանության գորքերի զինձառայողների նկատմամբ իրենց պարտականությունները կատարելիս ցուցաբերվող դիմադրությունը խափանելիս.

3) իրավախախտման պահին բռնված և փախուստի փորձ կատարող անձանց ձերբակալելիս.

4) երբ բավարար հիմքեր կան ենթադրելու, որ տվյալ անձը կամ անձինք պատրաստվում են զինված դիմադրություն ցույց տալ.

5) ձերբակալված անձանց Հայաստանի Հանրապետության ոստիկանության տարածքային մարմիններ բերման ենթարկելիս, երբ նրանք իրենց վարքագծով հիմք են տալիս ենթադրելու, որ կարող են դիմել փախուստի, վնաս հասցնել շրջապատին կամ իրենց կամ դիմադրություն ցույց տալ ոստիկանության գորքերի զինձառայողներին.

6) զինվորական բնակավայրերի, շարժակազմերի և շարասյունների, պահպանվող օբյեկտների, կառույցների և բեռների վրա կատարվող հարձակումները խափանելիս.

7) առևանգված, ապօրինաբար ազատությունից զրկված և բռնի կերպով պահվող անձանց, զավթած կառույցները, շենքերը,

շինությունները, տարածքներն ու տրանսպորտային միջոցներն ազատելիս.

8) տրանսպորտի, կապի հիմնարկների, կազմակերպությունների (անկախ սեփականության ձևից) աշխատանքները խանգարող, ինչպես նաև զանգվածային անկարգությունները և խմբակային գործողությունները խափանելիս:

2. Ոստիկանության զորքերի զինձառայողները որպես հատուկ միջոցներ կարող են գործադրել՝

1) ռետինե մահակներ՝ սույն հոդվածի 1-ին մասի 1-ին, 3-րդ, 6-րդ, 7-րդ և 8-րդ կետերով նախատեսված դեպքերում.

2) արցունքաբեր գազ՝ սույն հոդվածի 1-ին մասի 1-ին, 2-րդ, 3-րդ, 4-րդ, 6-րդ, 7-րդ և 8-րդ կետերով նախատեսված դեպքերում.

3) ձեռնաշղթաներ՝ սույն հոդվածի 1-ին մասի 2-րդ, 3-րդ, 4-րդ, 5-րդ և 8-րդ կետերով նախատեսված դեպքերում: Ձեռնաշղթաների բացակայության դեպքում ոստիկանության զորքերի զինձառայողն իրավունք ունի կապելու նպատակով օգտագործելու ձեռքի տակ եղած այլ միջոցներ.

4) ուշադրություն շեղող լուսաձայնային միջոցներ՝ սույն հոդվածի 1-ին մասի 1-ին, 4-րդ, 6-րդ, 7-րդ և 8-րդ կետերով նախատեսված դեպքերում.

5) արգելքները քանդելու միջոցներ՝ սույն հոդվածի 1-ին մասի 4-րդ, 6-րդ, 7-րդ և 8-րդ կետերով նախատեսված դեպքերում.

6) տրանսպորտային միջոցների հարկադիր կանգնեցման միջոցներ՝ սույն հոդվածի 1-ին մասի 6-րդ և 8-րդ կետերով նախատեսված դեպքերում.

7) ջրանետեր, գրահամեքենաներ՝ սույն հոդվածի 1-ին մասի 1-ին, 4-րդ, 6-րդ, 7-րդ և 8-րդ կետերով նախատեսված դեպքերում, և միայն ոստիկանության զորքերի հրամանատարի կամ նրա տեղակալի հրամանով՝ դրանց գործադրման պահից 24 ժամվա ընթացքում այդ մասին ծանուցելով դատախազին.

8) էլեկտրահարող սարքեր, կայծային պարպիչներ՝ սույն հոդվածի 1-ին մասի 1-4-րդ կետերով նախատեսված դեպքերում.

9) ձառայողական շներ՝ սույն հոդվածի 1-ին մասի 1-8-րդ կետերով նախատեսված դեպքերում:

3. Հատուկ միջոցները օգտագործելու և ուստիկանության գորքերի զինձառայողներին հատկացնելու կարգը, ինչպես նաև դրանց պահպանման ժամկետները սահմանվում են Հայաստանի Հանրապետության ուստիկանության պետի հրամանով:

4. Հատուկ միջոցների բոլոր տեսակները կարող են գործադրվել նաև սույն օրենքի 19-րդ հոդվածի 1-ին մասով նախատեսված դեպքերում:

5. Արգելվում է հատուկ միջոցներ գործադրել հղիության նկատելի նշաններով կանանց, ակնհայտ հաշմանդամների և անչափահասների նկատմամբ, բացառությամբ նրանց կողմից զինված հարձակում գործելու, զինված դիմադրության, մարդկանց կյանքին և առողջությանը սպառնացող խմբակային հարձակման դեպքերի:

6. Անհրաժեշտ պաշտպանության կամ ծայրահեղ անհրաժեշտության վիճակում ուստիկանության գորքերի զինձառայողը հատուկ միջոցների կամ հրազենի բացակայության դեպքում իրավունք ունի օգտագործելու ձեռքի տակ եղած բոլոր հնարավոր միջոցները:

*(18-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

### **Հոդված 19. Հրազենի գործադրումը (կիրառումը) և օգտագործումը**

1. Ուստիկանության գորքերի զինձառայողներն իրավունք ունեն անձամբ կամ ստորաբաժանման կազմով հրազեն գործադրելու հետևյալ դեպքերում.

1) անձանց՝ նրանց կյանքի կամ առողջության համար վտանգավոր ոտնձգություններից պաշտպանելիս.

2) զինձառայողների, Հայաստանի Հանրապետության ուստիկանության ձառայողների վրա կատարվող հարձակումները հետ մղելիս, երբ վտանգ է սպառնում նրանց կյանքին կամ առողջությանը, ինչպես նաև նրանց զենքին տիրելու փորձերը կանխելիս.

3) պատանդներին, ինչպես նաև զավթված պահպանվող օբյեկտները, կառույցները, բեռները, մարտական տեխնիկան ազատելիս.

4) կյանքի, առողջության, սեփականության դեմ ուղղված ծանր կամ առանձնապես ծանր հանցագործություն կատարելու պահին բռնված և փախուստի փորձ կատարող, ինչպես նաև զինված դիմադրություն ցույց տվող անձանց ձերբակալելիս.

5) զինվորական բնակավայրերի, շարժակազմերի և շարասյունների, պահպանվող օբյեկտների, շինությունների և բեռների, քաղաքացիների բնակարանների, պետական մարմինների շենքերի, հիմնարկների, կազմակերպությունների վրա կատարվող խմբակային կամ զինված հարձակումները հետ մղելիս.

6) զինված խմբերի դիմադրությունը ճնշելիս, եթե նրանք հրաժարվում են կատարել հակաօրինական գործողությունները դադարեցնելու և իրենց մոտ եղած զենքն ու մարտական տեխնիկան հանձնելու մասին ուստիկանության գորքերի զինձառայողի օրինական պահանջները:

2. Ուստիկանության գորքերի զինձառայողներն իրավունք ունեն հրազեն օգտագործելու հետևյալ դեպքերում՝

1) տրանսպորտային միջոցները վնասելով կանգնեցնելիս, եթե վարորդը ռազմական կամ արտակարգ դրության իրավական ռեժիմի պայմաններում հրաժարվում է կանգնեցնել այն՝ չկատարելով Հայաստանի Հանրապետության ուստիկանության ձառայողի կամ ուստիկանության գորքերի զինձառայողի օրինական պահանջը.

2) մարդկանց կյանքին և առողջությանն անմիջականորեն սպառնացող կենդանիներին վնասագերծելիս.

3) զենք գործադրելու մտադրության մասին նախազգուշական կրակոց արձակելիս, տագնապի ազդանշան տալիս կամ օգնության կանչելիս:

3. Հրազեն գործադրելն առանց նախազգուշացման թույլատրվում է զենքով, մարտական տեխնիկայով, տրանսպորտային միջոցներով, թռչող ապարատներով կատարվող հարձակումները հետ մղելիս, զենքով, տրանսպորտի միջոցներով, թռչող ապարատներով փախչելիս:

4. Արգելվում է հրազենի գործադրումը հղիության նկատելի նշաններով կանանց, ակնհայտ հաշմանդամների և անչափահասների նկատմամբ (բացառությամբ նրանց կողմից զինված հարձակում գործելու, զինված դիմադրության, մարդկանց կյանքին և առողջությանը սպառնացող խմբակային հարձակման դեպքերի), ինչպես նաև մարդկանց զգալի կուտակումների ժամանակ, երբ հրազենի գործադրումից կարող են տուժել այլ անձինք:

5. Հրազենը ուստիկանության գորքերի զինձառայողներին հատկացնելու կարգը սահմանվում է Հայաստանի Հանրապետության ուստիկանության պետի հրամանով:

*(19-րդ հոդվածը փոփ. 14.12.04 ՀՕ-1- Ն, խմբ. 29.04.09 ՀՕ-103- Ն)*

## **Հոդված 20. Մարտական տեխնիկան գործադրելը**

1. Ոստիկանության զորքերի հաստիքային մարտական տեխնիկան գործադրվում է հետևյալ դեպքերում.

1) պատանդներին, ինչպես նաև զավթված պահպանվող օբյեկտները, կառույցները, բեռները, մարտական տեխնիկան ազատելիս.

2) զինված դիմադրություն ցույց տվող անձանց ձերբակալելիս.

3) զինվորական բնակավայրերի, շարժակազմերի և շարասյուների, պահպանվող օբյեկտների, շինությունների և բեռների, քաղաքացիների բնակարանների, պետական մարմինների շենքերի, հիմնարկների և կազմակերպությունների վրա խմբակային, զինված կամ տրանսպորտային միջոցների օգտագործմամբ հարձակումները հետ մղելիս.

4) զինված խմբերի դիմադրությունը ճնշելիս, եթե նրանք հրաժարվում են կատարել հակաօրինական գործողությունները դադարեցնելու և իրենց մոտ եղած զենքն ու մարտական տեխնիկան հանձնելու մասին ոստիկանության զորքերի զինձառայողների օրինական պահանջները:

2. Մարտական տեխնիկան գործադրվում է Հայաստանի Հանրապետության ոստիկանության պետի հրամանով:

*(20-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

## **Հոդված 21. Ոստիկանության զորքերի զինձառայողների անձնական անվտանգության երաշխիքները**

1. Ոստիկանության զորքերի զինձառայողն իրավունք ունի մերկացնելու զենքը և այն բերելու պատրաստ վիճակի, եթե գտնում է, որ ստեղծված իրավիճակում կարող են սույն օրենքի 19-րդ հոդվածին համապատասխան հրազեն գործադրելու հիմքեր ծագել:

2. Զինձառայողների և նրանց ընտանիքների անդամների անվտանգության ապահովման շահերից ելնելով՝ չի թույլատրվում զորամասերի տեղաբաշխման (վերատեղաբաշխման) վայրերի, զինված հանցավոր խմբերի հետ ընդհարումներին մասնակցած ոստիկանության զորքերի զինձառայողների ծառայության և բնակության վայրի մասին

տեղեկությունների հրապարակումը զանգվածային լրատվության միջոցներով:

3. Ոստիկանության գորքերի ծառայողական, մարտական գործունեության մասին տեղեկատվություն կարող է տրամադրվել միայն Հայաստանի Հանրապետության ոստիկանության պետի կամ ոստիկանության գորքերի հրամանատարի թույլտվությամբ:

*(21-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

## Գ Լ ՈՒ Խ 5

### *ՈՍՏԻԿԱՆՈՒԹՅԱՆ ԶՈՐՔԵՐԻ ԶԻՆԾԱՌԱՅՈՂՆԵՐԻ ԻՐԱՎԱԿԱՆ ԵՎ ՍՈՑԻԱԼԱԿԱՆ ՊԱՇՏՊԱՆՈՒԹՅՈՒՆԸ, ՆՐԱՆՑ ՊԱՏԱՍԽԱՆԱՏՎՈՒԹՅՈՒՆԸ*

**Հոդված 22.** Ոստիկանության գորքերի զինծառայողների օրինական պահանջների կատարման պարտադիր լինելը

1. Ոստիկանության գորքերի զինծառայողների օրինական պահանջների կատարումը պարտադիր է բոլոր պետական և տեղական ինքնակառավարման մարմինների, պաշտոնատար անձանց, կազմակերպությունների, Հայաստանի Հանրապետության և օտարերկրյա քաղաքացիների, քաղաքացիություն չունեցող անձանց համար:

2. Ոստիկանության գորքերի զինծառայողների օրինական պահանջները չկատարելը, ինչպես նաև այնպիսի գործողություններ կատարելը, որոնք խոչընդոտում են ոստիկանության գորքերի զինծառայողների պարտականությունների կատարմանը, առաջացնում են Հայաստանի Հանրապետության օրենքով սահմանված պատասխանատվություն:

3. Ոչ ոք իրավասու չէ միջամտելու ոստիկանության գորքերի զինծառայողների օրինական գործողություններին:

*(22-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

**Հոդված 23.** Ոստիկանության գորքերի զինծառայողների սոցիալական ապահովությունը

1. Ոստիկանության գորքերի զինծառայողների սոցիալական ապահովության հարցերը կարգավորվում են «Զինծառայողների և նրանց ընտանիքների անդամների սոցիալական ապահովության մասին» Հայաստանի Հանրապետության օրենքով և այլ իրավական ակտերով:  
(*Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)  
(*23-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)

**Հոդված 24. Ոստիկանության գորքերի զինծառայողների պատասխանատվությունը**

1. Ոստիկանության գորքերի զինծառայողներն իրենց կատարած իրավախախտումների համար կրում են օրենքով նախատեսված պատասխանատվություն:

2. Ոստիկանության գորքերի զինծառայողների կողմից անձանց և կազմակերպություններին ապօրինի գործողություններով պատճառված վնասը ենթակա է հատուցման օրենքով սահմանված կարգով:  
(*Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)  
(*24-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)

**Գ Լ ՈՒ Խ 6**

***ՈՍՏԻԿԱՆՈՒԹՅԱՆ ԶՈՐՔԵՐԻ ՖԻՆԱՆՍԱՎՈՐՈՒՄԸ ԵՎ  
ՆՅՈՒԹԱՏԵԽՆԻԿԱԿԱՆ ԱՊԱՀՈՎՈՒՄԸ***

**Հոդված 25. Ոստիկանության գորքերի ֆինանսավորումը**

1. Ոստիկանության գորքերի ֆինանսավորումն իրականացվում է Հայաստանի Հանրապետության պետական բյուջեի միջոցների հաշվին:  
(*Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)  
(*25-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն*)

**Հոդված 26. Ոստիկանության գորքերի գույքը**

1. Ոստիկանության գորքերը տիրապետում են պետական սեփականություն համարվող գույքը:



2. Ոստիկանության զորքերը հողի, ընդերքի, օդային տարածքի և ջրերի օգտագործումն իրականացնում են Հայաստանի Հանրապետության օրենսդրությանը համապատասխան:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(26-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

**Հոդված 27. Ոստիկանության զորքերի նյութատեխնիկական և ռազմական ապահովումը**

1. Ոստիկանության զորքերի նյութատեխնիկական և ռազմական մատակարարման կարգը սահմանում է Հայաստանի Հանրապետության կառավարությունը՝ Հայաստանի Հանրապետության ոստիկանության ներկայացմամբ:

2. Ռազմական տեխնիկայի նորոգումը կատարվում է Հայաստանի Հանրապետության պաշտպանության բնագավառի կազմակերպություններում և հիմնարկներում, ինչպես նաև գնումների մասին Հայաստանի Հանրապետության օրենսդրությամբ սահմանված կարգով:

3. Ոստիկանության զորքերի հրամանատարության, զորամասերի և ստորաբաժանումների տեղաբաշխման նպատակով շենքերի և շինությունների տրամադրման, ինչպես նաև դրանց կոմունալ սպասարկման, նորոգման և նոր շենքերի ու շինությունների կառուցման հետ կապված հարաբերությունները կարգավորվում են Հայաստանի Հանրապետության զինված ուժերի զինձառայողների համապատասխան հարաբերությունները կարգավորող իրավական ակտերով:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(27-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

**Հոդված 28. Նյութական միջոցների, զորային պաշարների կուտակման պլանավորումը, շարանումը, տեղավորումը և պահպանումը**

1. Նյութական միջոցների, զորային պաշարների կուտակման պլանավորումը, շարանումը, տեղավորումը և պահպանումը խաղաղ ժամանակ իրականացնում է Հայաստանի Հանրապետության

նստիկանությունը, իսկ պատերազմի ժամանակ՝ Հայաստանի  
Հանրապետության պաշտպանության նախարարությունը:

*(Վերնագիրը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

*(28-րդ հոդվածը փոփ. 14.12.04 ՀՕ-1-Ն, խմբ. 29.04.09 ՀՕ-103-Ն)*

## **Հոդված 29. Անցումային դրույթներ**

1. Ոստիկանության գորքերում զինվորական ծառայությունը  
պայմանագրով կազմակերպվում է սույն օրենքի ուժի մեջ մտնելուց հետո՝  
գուգորդվելով զորակոչային տարիքի քաղաքացիների զորակոչով:

2. Ոստիկանության գորքերում զինվորական ծառայությունը 2012  
թվականից բացառապես կազմակերպվելու է պայմանագրով:

*(28-րդ հոդվածը խմբ. 14.12.04 ՀՕ-1-Ն, խմբ. 29.04.09 ՀՕ-103-Ն)*

**Հայաստանի Հանրապետության  
Նախագահ**

**Լ. Տեր-Պետրոսյան**

Երևան  
17 դեկտեմբերի 1997 թ.  
ՀՕ-163